



BOSNA I HERCEGOVINA
VIJEĆE MINISTARA
Generalno tajništvo

Broj: 01,05-50-3770/08
Sarajevo, 13.4.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 15.4.2009.			
Organizaciona jedinica	Klasifikaciona oznaka	Redni broj	Broj priloga
01-	50-1-	1542/09	

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 83. sjednici održanoj 9.4.2009. godine, utvrdilo je Odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 42. sjednici ovog doma održanoj 17.12.2008. godine.

U pritvku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 01,05-50-3770/08
Sarajevo, 9.4.2009. godine

Husein Nanić, poslanik u Predstavničkom domu Parlamentarne skupštine Bosne i Hercegovine, na 42. sjednici Predstavničkog doma održanoj 17.12.2008. godine postavio je sljedeće delegatsko pitanje: *"Sljedeće pitanje, takođe predsjedavajućem Vijeću ministara postavljam, a ono se tiče graničnih prelaza u Unsko – Sanskom kantonu u izbornoj jedinici 1. iz koje ja dolazim, gdje već duže vrijeme, duže od 10 godina općine iz Unsko – Sanskog kantona, tačnije Velika Kladuša, Cazin i Bihać postoje zahtjevi za otvaranje graničnih prelaza u mjestima Martin Brod - općina Bihać, Tržačka Raštela - općina Cazin i dva u Općini Velika Kladuša (Obljaj i Plazikur). Znači, otvaranje graničnih prelaza za malogranični promet u pograničnom naselju, te radi nesmetanog pristupa zemljišnim posjedima koje građani BiH posjeduju na prostoru Republike Hrvatske. Postavljam pitanje predsjedavajućem Vijeća ministara – Da li ima Vijeće ministara u planu i kakve su aktivnosti na otvaranju tih malograničnih prelaza."*

Na postavljeno pitanje, Vijeće ministara BiH u smislu člana 37. zakona o Savjetu ministara Bosne i Hercegovine ("Službeni glasnik BiH broj:30/03 i 42/03) na 83. sjednici održanoj 09.04.2009. godine, utvrdilo je sljedeći:

ODGOVOR

Sporazumom između Bosne i Hercegovine i Republike Hrvatske o pograničnom prometu i saradnji (Službeni glasnik BiH – Međunarodni ugovori broj: 6/05), definisano je da se na području općina Cazin i Velika Kladuša otvori pet graničnih prelaza za pogranični promet. Tri granična prelaza za pogranični saobraćaj su u funkciji, dok dva granična prelaza za pogranični saobraćaj: Tržačka Raštela – Kordunski Ljeskovac i Plazikur – Gejkovac, nisu do sada stavljeni u funkciju. Na području općine Bihać predviđena su dva granična prelaza za pogranični promet: Kaldrma – Lička Kaldrma (isti je u funkciji) i sezonski granični prelaz za pogranični promet Bugar – Donji Vaganac. Na osnovu zahtjeva općina Bihać i Cazin za otvaranjem graničnih prelaza za pogranični saobraćaj, Državna komisija za integrisano upravljanje granicom BiH, dana 16.01.2009. godine donijela je zaključak kojim se formira Radna skupina koju će sačinjavati predstavnici Ministarstva sigurnosti BiH, Granične policije BiH i Uprave za indirektno/neizravno oporezivanje BiH. Zadatak radne skupine je utvrđivanje činjenica i stvaranje uslova za dalje postupanje u pregovorima sa Mješovitim povjerenstvom Republike Hrvatske. Radna skupina je obišla teren, sačinila Izvještaj i dostavila Državnoj komisiji sljedeće prijedloge:

- Da Granična policija radi otvaranja graničnih prelaza Tržačka Raštela – Kordunski Ljeskovac i Plazikur – Gejkovac, poduzme sve aktivnosti u vezi dobijanja lokacijskih dozvola za postavljanje objekta i infrastrukture potrebnih za početak rada ovih prelaza.
- Da se Republici Hrvatskoj predloži održavanje sastanka Stručnih skupina za infrastrukturu radi obavljanja neophodnih pripremnih radnji za početak rada ovih malograničnih prelaza i utvrđivanja datuma otvaranja. Sastanak treba održati krajem marta ili početkom mjeseca aprila.
- Da se do 01.05.2009. godine održi sjednica Mješovite komisije na kojoj bi se utvrdio datum otvaranja malograničnih prelaza Tržačka Raštela – Kordunski Ljeskovac i Plazikur – Gejkovac.

Navedene prijedloge Državna komisija je prihvatila i zadužila Sektor za zaštitu granica i javni red da prati i koordinira aktivnosti na izvršenju ovih zaključaka sve do puštanja u funkciju navedenih graničnih prelaza za pogranični saobraćaj.